

315/2

Leb Lango

Paper 2

2½ hours



Apex Examination Council

MOCK EXAMINATIONS 2025

Uganda certificate of education

LEB LANGO

Papara Me Aryo

Niangngo Coc, yungngu coc kede Tekwaro

Cawa Aryo I Nucu

GIN AME AGAMPENY MYERO LUBI

- Papara man tye kede dule adek: Dul A, B kede C.
- Gam apeny ducu I Dul A kede B
- Gam apeny acel I Dul C, 3(a) onyo 3(b)
- Gam apeny adek I papara man.
- Ka Igamo peny akato adek oko, pe obino gwetto e name okato kede.
- Agam ame apeny ducu myero bed I papara ame omio.

DUL A
NIANGNGO COC

Kwan coc I ping kan-ni- eka ite gammo apeny ame alubo

Jami akwo kede en ame pe kwo duc iwi lobo kan Jengere ikom kit ame ogwoko kede kanorumu wa. I kin cwec ducu, dano obedo gin acel ame obanga ocweo ame dong balo cwec obanga twatwal I bino nwongo ni pol ajo ame balo kanorumu wa timo aman-no keken ka pi cobbo miti gi ken gi baa abongo paro pekki ame akello ikom cwec okene ame obanga ocweo. Mam tim arac meicel.

Gwokko kan ame orumu wa obedo ginnoro acel apire tek twatwal iyi Lango kede I Uganda alutu. Kop ame mako gwokko kanorumu wa obedo tic ajo ducu. Ka iwoto Lira, Apac, Alebtong, Kole, Dokolo, Oyam, otuke, kwania kede Amolatar ame obedo diciturike I Lango, inwongo ni rwom me ballo kan orumu wa oyito malo twatwal. Otela kede jo okene aniang tutte me pwonnyo kite me gwokko kan orumu wa kede ber a kanorumu wan ento pol ajo timo olukktuke.

Alubere kede Nema (iryonget ame loo kanorumu wa), gin otitti lwak ni tye tim ame gwoko kan a me orumu wa, kede en ame balo abala. Tim me wangngo makar ame otongo yen bala kalatuc, yao, Oduggu, ilwa onyo itek me lokko gi dokko milo weko ping dong abongo yen. Jo ame tongo yen magi pe otamo me pitto, onyo leyo wang yen ame gin otongo. Goyo birik dang obedo gin okene arac meicel pien mio jo kunyu lobo me awanga ame te gollo ping atut eka te rwenynyo lobo amio oko. Wangngo ping I yore ape opore rac pien yen abeco akono kel yamo nwongo otongo oko:atura mogo abeco amilo piny bedo acil rweny oko ikare me wangngo ping.

I mwaka 2014, dul ame loo kanorumu wa okobo ni puru yi kulu obedo tim me icira ame mio kot pe cwee. Alokalka me ping timere ame mio cem pe cek aber. Cakko imwaka – no, gin te kwenyoro jo I beo I tic I cik gi ni ngat ame onwongo tye apuru yi kullu obino mako oko eka ote lubbo kede cik. Gin omedde kun okobo ni, ballo kan orumu wa mio pii amata aleyi bedo pe. Man pe lubere kede cik akwako twero aleyi.

I tungcel kono, pitto yen obedo gin acel ame twero rocco kan orumu wa te miyo bedo I wilobo bedo mit. Dano romo pitto yen onyo gwokko yen ame tye cutu pien yen magi cwalo yamo angic ame Jami akwo ducu

tio kede me weo. Leyi bala koc, oyoo, kede mogo okene bedo iwii yen acalo pacci gi. Ka otongo yen oko, odong gini abongo kabedo. Yen dang obedo tipu me weo bang dano, leyi kede Jami akwo ducu ka ceng iyet pollere i ooro.

I yi pacci apol kede kagi mogo bala cukul, jo tio kede yen otwo bala apoka, riddo kede dul otwoo me tedo. Aemme, acunggwa, amapera, ocao kede en okene obedo cem acama.

Yen twero dang kello cenne ite cao ka ocatu a tyene, onyo ka ongolo me bao. Gin konyo me jukku yamo kede miyo allele kot mol momot.

Yen mio gedo bedo ayot pien atad, awayi onyo abola kede pagi nwongo tye iyi bung. Odok me mwonno Jami yaa iyat gam. Yen dang gwoko lobo pien iwit gi moko ilobo te cung iking.

“Ngatoro keken ame mito tongo yen myero pit yen abic”. Man obedo cik ame NEMA omoko amako tongngo yen.

Apeny

- a) Cooyore iyore tyenkop adek ame omio jo pito yen alubere kede coc I malu – no.
- b) Cooyore iyore adek I coc I malo no ame bino calo adwong me ballo kanorumu wa.
- c) NEMA okatto kede cike apol a papat okemo gwokko kanorumu wa ento pol ajo ikin paco pe mito lubbo. Cooyore abic ame NEMA romo tic kede me miyo jo lubbu cike okemo gwokko kanorumu wa.
- d) Jo okene tamo ni cem me acama twero bedo pe ka pe opuro yi kulu. Niangi gi I beo I cooyore abic okene ame gin romo tic kede me nwongo cem a pat kede puru yi kulu.

DUL B
YUNGNGU COC
Gam Apeny Man

Kun itio kede nyigkop ame pe kato 100, yung coc ipiny kanni ikom diro ayot me bullo nywagi kede pekki ame obul nywagi nwongo.

Diro Ayot Me Bullo Nwyagi.

Rose Mary acan ame tye kede diro me bullo nyagi omio tammere ikom kite me bullo nwyagi aber.

En okobo ni myero pe owek nywagi wang pien ka owang ryemo owil oko. Mac dang myero pe bed alyet pien mio nywagi pe cek aber kede dang wango nywagi oko ka mac odoko alyet, job kwoyo onyo buru eka ite onyo iwi mac makar wek rwon me lyeto amac dok cen. Myero iket cingenyeme ame ocano nywagi iwie malo ame lyeto amac pe tunu iye. En okobo ni owilo gini nywagi ibung Atira, Lukodi nyangari, koc kede parabong. Myero dang igwok nywagi bed alyet ape okweyo oko pien owil pe maro gin angic, naka odiro me yot kom pe yee ni dano myero cam gin angic kelo two wic.

En dang okobo pekki ame okemo ocat nywagi – Lyeto amac wunu jo abulu nywagi twatwal. Ka kare me cek anywagi oromo, wel poto oko pien nwongo nywagi dwong. Kan ame gin oomo nywagi iye me abula dang bor atek twatwal. Man mio gi ool atek ka owoto gini iwilo nywagi. Ka oonyo yugi bala pok nywagi, alemere kede buru nwongo tek. Arac atek akato ka nywagi pwod nonok, opur nywagi ngabo wel malu twatwal ame mio willo bedi gi atek twatwal. Dwong gi bullo nywagi ikom ceng; man mio ceng wango gi twatwal kq i dye ceng. Aco ka ikare me kot dong bedo arac ikato pien yamo kede apua medo kede kot neko mac oko te dang ryemo gi oko ika cat.

DUL C
TEKWARO

1. Gam apeny acel I dul man

- a) Kwan coc I piny kan – ni ite gammo apeny ame alubbo.
Agira obedo dekkoro amit tutwal dang obedo cem me tekwaro a
lango ame pe keng I kaka arama moro keken me kwer a Lango.
Awoti moro ame oya I Nigeria obin obilo agira te nwongo mit mitoro
dong en tye amito ni ipwonye ikite me teddo dek agira.

Apeny

Pore i yore i yore kit ame oteddo kede agira itekwaro me Lango.

ONYO

- b) Kwan coc iping kan-ni ite gamo apeny ame alubbo.
Yin itye kede awotti moro ame pe obedo Lango ento onwongo apai
mere ame obedo Lango amitto nyomo. Nino me arangngo dong tye
onoko aceggi. En Olaro boti ni ikobe gin ame timere I rangngo
nyako Lango

Apeny

Titte iyore iyore jami ame timere irangngo nyako Lango.

AGIKKI